

梓聞漫拾

己未秋日

陳伊炯署

220.168

341

部

序

粵自百六運屯天造草昧文武道盡災及圖書劫燼漫漶既充箕畚蟬粉鼠迹復揚蓬堞撥拾墜緒誠知其難加之掃蕩餘生益疎紀載樵結野老坐談皇古邱書燕說名乖實潛志乘多闕蓋其慎矣顧嘗聞之遺珠九淵離照猶昧遠山十里曠聽失聰近且難憑况滋宵鴛故有官守在夷禮失求野舊言不脛踰越江海往蹟未味淪替遺殘舟淵棧石無寄遐心折楊皇考遂充里耳始知測海終然面牆繫我江陰毗陵漢鄉既陽晉縣東昏北面乃有今驛第念辭古至爲惶思蕭繹之觀不名廢址小塔造像未悉遺文他可知已李趙代德影采駢闐明清之閒累加水火閭陳守陣流血六萬洪楊作孽僧號十三於斯時也逃屋草奧殘骸獸肥野莽蔽蔓暢茂先春民愚燔燎叫敵中夜文獻靡棄離以砂算其在於今卷髮異族挽戎冠裳佞盧左行復攘邦教積廳若墜玄雲失朝忍此散忘後將誰屬謝子幼陶愀乎恤焉時乃招集謫逃二年成聚披斬茅薈三秀不凋迹其所列畸節志事才士平生女貞之木寫其幽姿優曇之花窮於觀相刮目三日審非吳下量才一斗遠紹宣城是以亥豕沿襲竟發其蒙古光飄搖爰珍片羽十駕雖驚猶云千里累土所積直抵曾臺達學非強識性本健忘今當剞劂詢及芻蕘勉事摭緝藉傾積素時太歲幹在屠維支在協洽相月拙巢曹家達序於吳門巢氏寓齋

例言

梓聞漫拾序

- 一 是編所述以吾鄉遺聞軼事爲主其數見者不錄
- 一 是編不分門類亦不拘時代前後有得輒書故名之曰梓聞漫拾
- 一 是編得之諸家紀載於一邑文獻不無關係故篇中徵引不無冗蔓之處識者諒之
- 一 是編所引悉載原書書名既可免數典忘祖之譏亦無背沿流溯源之旨
- 一 行篋中書籍無多其有尙待考證不能無疑者容俟考定續出

題治盒梓聞漫拾

唐鳴鳳侶笙

寥寥唐闕史汲冢古周書國故禪搜蝨竊聞網漏魚春申舊封呂梁苑老相如無數陳年客聯裾瀕爾廬

梓聞漫拾初成自題一律

治盒

竟虛著述名山願聊慰屠門大嚼私塵尾清談百數則豆棚閒話兩三時秋風寥落添鄉夢粉社飄零到酒旗便攤樵餘動弄筆安排爲問草堂賞

梓聞漫拾目錄

卷上

煎海僧

戚三郎

季子廟

二侯賜第

吉道人

人化

公士

江陰鄧氏之始

江陰葛氏科第之盛

徐經

徐泰

王子開輓詞

邱文定發蘇師且之奸

洪貫贈江陰王令詞

赤岸李氏藏有胡恢本南唐書

王逢原作詩之不自檢點

晴山堂

鞏學齋

曹嶽眉撰漁洋菁華錄

曹雲亭之擇婿

清機園

洪珠洞

曹氏軼聞

葛秀才之強記

卞蘭堂之軼事

東坡教高廷之作文寫字之法

黃山谷與葛成之唱和

王百穀序馬湘蘭詩

黃統祺網命詞

江陰孤城覆劉良佐書

蔡烈女祠

呂蒙墓

謝士英之戰績

蔡鵬出處之始末

曹文恪公西園記

高柏林重建廣福寺

乾隆丙午鄉榜之盛

六斗南贈先孝子公詩

八子娛親圖題詞

梓聞漫拾目錄

余蓮村有功江陰

季連江募建魁康祠疏

王梧溪響石銘

乩仙妙對

陳墅里人之詩

竹鶴老人名言

彭文勤關廟楹聯

繆文貞西湖關廟楹聯

杜一鴻楹聯

卷中

趙宏

方萬里

朱子昌

孫作 張宣

戎斌

光孝寺詩僧

大覺禪師

吳啟

正授

謝珍 謝盟

王正己 趙善待

王栴

周斌

趙大成

史蒙卿

相子先

谷淮

徐翩翩

陳長方 李壽 蔡卞

湯公雨

楊昱

陳沐

朱舉直

趙彥衛

許士雍

報恩寺長老

邵鍊師

張畏巖

滕昭

郭一坤

呂春

王慎中

周煬

夏翁 韓翁

葛天民

陸孝子 陳孝子

張體

孫餘禎

吳積鈺

陸東陸

徐亮工

陳元

翁照

王儕嶠

王應辰

沈凡民

是鏡

屠紳

錢秉德

殷治中

劉衡

蔣春霖 葛湘 蔣葆元

陳毓秀

沈濤

章成義

葉維庚

曾秉忠

劉有光

劉玉妻

高鳳女

卞氏 潘大姑 姚氏

金鑑二女

先妣王宜人苦節

卷下

學額源流

大雅堂詩社

滄洲詩社 九子社

江上遺逸

江上詩鈔

江干叢語

黃貞女 黃烈婦 朱烈婦

盛時揚

翁采南 沙慎之

金應仁

童經正

趙甌北

梓聞漫拾目錄

政績卓著邑志無傳諸人物

才媛

詩僧

賈人能詩

宋代收藏家

女技擊家

神行家

散見諸家集中吾鄉諸名人

又未經考定諸名人

諸家集中吾鄉風土之題詠

諸家集中關於吾鄉邑令諸作

附錄先孝子公侍疾圖題詞

附誌弟婦六氏之孝行

補遺

張玉真

薛傳源遺詩

吳人朱鳳翔營救李忠毅

李晴郊獲咎之傳聞異辭

鄒待徵妻

趙烈女

周芙

呂升

江之湘

仇志鵬

方地山輓何秋登父子聯

趙韵岑輓王吉丞聯

煎海僧

順德梁邦俊小崖說詩田橫死義千古豔稱明末煎海僧本名諸生妻亦工詩書能舉八十斤鐵刀王師圍江陰率壯士五百名入守臨行其妻自殺曰母爲君內顧憂縣尉閻焯嘗命率五百人突圍求救既出少三十人獨提刀引之出如是者二五百人無一損城破爲僧率五百人居海島其鹽日給饑煎海當事患爲亂使使招之與五百人皆自殺雲溪樂府所謂煎海僧海可煎不可填頭顱五百甘心墮魂向田橫島邊過難其數亦適相符也云云案雲溪樂府武進趙懷玉撰其所詠樂府關於吾鄉明代故事者甚多煎海僧云煎海僧冠儒冠移家亦良得爾何不學葛稚川紅顏爲君先入地身欲與天爭氣勢攫箕望斷空突圍髡頂還誇鐵刀利煎海僧海可煎不可填頭顱五百甘心墮魂向田橫島邊過小崖說詩所引尙非全豹閻應元作閻焯微誤

戚三郎

吾鄉戚三郎事邑志未載海上某報社演爲戚三郎傳奇初不知其所本後讀樹樸園先生書戚三郎事文始稔此事頗末茲錄之江陰城陷微戮抗節者邑有戚三郎與婦王篤伉儷夫婦皆好推施一子甫五齡家所向惟關帝君祠戚夫婦虔奉之月朔望未辨明卽肅香祠下二十年如一日城陷

梓聞漫拾卷上

被兵執舉戚足帶糾其臂被創擁至通衢見妻爲他兵拽去戚呼號就之復被創前後凡十三創首亦被刃推擁過帝祠不勝步矣倒地土兵覓其氣息僅屬舍之去戚心獨朗朗念虔事帝得死楹下足矣然度雖死帝顯赫或有以援我日且暮覺祠中有異糾臂帶忽裂裂聲如弓弦作霹靂鳴戚臂亦受創糾縛既斷因得右扶首首將墮喉固未絕因宛轉正之心朗朗念帝顯赫真援我也察明兵數過戚見血痕模糊謂死矣不復顧久之有老翁趨視戚憐之曰三郎垂斃矣盍掖之歸戚雖憤然心識其爲比隣錢翁沈嫗也頃之兩人續以喜慶至越二日入日兵封刃行且去耶活矣乃不復至戚嘗爲血襪乃因之固爾能起舉視室中無一存者五齡兒固坐是旁泣而屋中乃僵二尸辨之鄰錢翁沈嫗也戚恐甚久之悟兩人殆肅帝命以援予者因強起跋躄過帝祠欲投地身不能屈立作叩首狀首又若將離者乃依檻祝曰身賴帝活惟帝終有以庇予因念翁嫗死而生我不可久暴露吾室有木可爲樁第安所得匠憶衆爲帝治寢宮城圍工未竟匠或有存者往迹之見三匠踰戶語戚告以故成續戚歸戚指示木所在匠遽爲操作戚匍匐乞米以爲食久之不得僅從空室得冬炒半盞歸入室失三匠而存五樁戚愈約爲二而五之去又不俟予歸耶趨帝宮皆無人三尸仆戶內外固三匠也戚驚懼是時兵遠去人漸歸乃倩所識以樁厝翁嫗及匠而瘞之隙地戚數得帝祐神理亦漸旺復中帝廟能稽首投地矣肅告帝謂帝恩我無極第妻無由見帝其以夢示歸而夢帝驅之曰疾去數里外有舟待越月之十四日終不可見矣辨明力疾負子行至津亭見有熾舟

柳下若有待者其人爲成三戚曰若何待成曰吾之室被擄而爾吾將操舟往獨不可往度邑中
失侶者多應有往者故遲之戚曰帝示我矣予爲此子竟母得附舟行幸矣具告以夢成亦手額曰
帝祐君合浦珠自當還吾即不德藉君庇以分神呪浮萍斷梗或冀幸一遇乎言訖相與泣數行下
憂患易感意氣殊相得也抵昇州舟刺鬼面城下乃入市揭示四達之衢曰江陰戚三郎覓妻王能
爲驛騎者予多金成亦揭示如戚有某者見戚所揭示往見戚曰予我金告爾妻所在戚雖揭示謬
語耳固無從得金語某曰我實無金期一見婦耳某歎曰世固有不持金而求得婦者疾起去成挽
之告以戚爲帝所指示始昧昧至此實不持金城陷家破安得金某聞成語悽然憫之曰卽告爾妻
所在不得爾金易耳願無金彼武人赤手返爾妻耶具告以妻所在戚與成徬徨久之某忽曰子何
能戚曰能書某曰機在是矣某公者矢願於報恩塔下情人書百部首榜施四方方覓人子誠善書
計可得數金事或可圖歟曷疾去戚乃尾其行而以子屬成見某公以情告試以書書誠工某公既
善其書又憫其遇施十金某踉蹌携戚至某標郝總旗所郝他出郝婦曰誰耶戚告以故婦曰誠有
江陰王氏者予我金我與爾婦戚喜婦無多索跪獻金婦持金入久之不出又久之出四顧曰何爲
者戚與某咸驚噪婦愕然曰何爲者乃認我得金室固無爾婦安得爾金命閹者榜逐之戚掩涕怨
某相與且去成方與某子望其與妻俱歸已得故怒目曰不得婦又失金不值一死耶奈何遂返明
日與我俱明日戚携子偕成往旬旬於門郝方立穉場弄鷹召人成瞪目欲裂認而前音成三是爲

梓聞漫拾卷上

一一

吾友戚三戚婦在公所昨携金贖婦公夫人得金乃不與婦吾與戚邑陷家破與婦失去死絲粟耳
無家死矣婦死矣金亦死公不與戚婦十步之內以頸血相澆矣突出刃靴中欲自殺郝怒張急止
之曰安有是吾婦何從昧爾金勿自殺吾入詢誠有是吾不以爲婦矣乃急入久之聞謔諛聲已復
聞郝撻婦戚與戚跪呼於外曰勿撻夫人但願還婦足矣食頃郝出氣結擲金於地曰急持去成
稽首曰戚急得婦不急金且金歸公室一日夜矣又吐之公大人義不爲也爭之益力郝曰曩哉予
爲友乃以死爭計戚所持金烏足贖婦然吾高子行何計金當以婦歸子友因呼婦出厥方注目不
瞬謂妻且至望不類少近則成與婦相抱痛哭婦蓋成妻也先是成妻之被擄爾南也過邸舍書壁
曰我江陰戚三郎妻王氏爲某標郝擄見者幸以語吾家久之成字微落獨存戊某第見戚所揭示
故遽報之戚云郝見婦反屬成訝曰異哉子以死爭友而顧乃自爭天下嗜義者獨爲人哉天命子
子疾去成曰金出厥爾婦歸我我何去去則戚之金不返我誠我爭矣郝口奈何成曰小人勇於力
妻善針黹公誠能錄小人夫婦願得二十金予戚聽其覓婦小人卽除馬通婦括囊下甘心也郝曰
曩哉然吾無所需子有張將軍者方覓役曷爲子言之郝卽趨張所戚亦隨成往張見成許納出二
十金予成券券成以金予戚戚曰子激於義售夫婦身期全吾夫婦耳願吾婦何在得金安往相
與絮泣張曰爾姑携金去得間當具以語我當爲覓之戚見張位都赫往來甚夥意顯者苟留意憂
不得妻耶乃叩首曰予向資十金耳成售身倍其金予我我義不敢受然成緣我金得妻又不忍分

金皆僨落魄得金即隨手逸金盡妻終不可得且負兩公義曷以金留公所公但爲我覓妻妻得成之心盡我即倍費成金無愧於成矣張領之納金令爾亦覓所在來語予母獨恃予閱二日成方除馬通過壞牆閉諸婦人多操鄉里音成私度曰戚妻脫在是誰復知者乃亦操鄉里音過曰戚三郎屬予尋婦今安所得耶婦聆之迫於監者不敢答晚如廁遺片紙牆隙復操鄉里音曰此紙納之隙留以備明日成遙聞之覺有異俟人定趨取紙細書戚三郎妻王氏即今在此君急語我夫成得之大驚喜急聞之戚戚乃携子先懇之郝郝與俱來戚直前跪曰連覓妻所在聞即在府中願憫之張即詢所繫婦首王氏即戚婦耶呼之出真戚婦也戚見婦驚悸錯愕未敢往就搖搖不知悲其子見母出突奔母懷仰視大痛婦亦俯捧兒哭失聲戚至是始血淚迸落戚成跪張前戚婦亦遙聽命張曰是誠爾妻然是人少有色故遽之爲首約直五十金半猶不足望得婦耶戚挽郝言之曰呂陷家破安得金將軍憫之且媿媿言帝所以佑之者復告以夢期以動張張曰衆無一贖始贖即滅定值何以示來者堅不許戚曰成言夫婦身僅得此金而又苦不足天乎安所得金戚乃大哭婦哭而戚子又瑟瑟往來哭於父母旁郝哭張之厮養哭張姬妾環屏內者亦哭久之張亦泫泫淚下矣哭聲鼎沸間張突躍起曰止吾還汝婦不須金也城陷家破爾誠無所得金且爾數被創非死非帝佑不至是爾誠善者吾還爾婦不須金也成以爾故售身於吾爾夫婦還而成留成即不怨爾爾何以謝成吾既還爾婦兼還爾友夫婦爾夫婦其與爾友夫婦俱還此二十金卽爲爾輩道里需不須

梓聞漫拾卷上

二

金也吾還爾婦然我有言爾亦毋我逆爾之子秀而慧我憐之盍以予我我老矣無嗣誠予我我不奴視子不隔膜視子也戚急遽未有以應婦忽趨前唾耳語戚久之復陽謂戚曰子尙需乳耶戚遽膝前曰將軍生全兩家夫婦且欲子下愚子何不可者將軍喜急前抱兒兒亦嚙將軍不復甚戀父母將軍益喜呼戚夫婦坐待以親申禮舉兒入室遍拜所親已復劍兒出衣冠煥奕賓從以下皆羅拜慶將軍有子戚與成兩家謝將軍去計戚初見張將軍日實帝所示十四日內也人咸以爲戚虔於帝之報云戚歸既安其室復過某公爲書經塔下者閱三月因得往來視兒將軍亦多所贈久之將軍病卒將軍擁高賞族子利之戚曰有父母非吾族類也繼與其歸戚子亦因之便去諸母惡族子競以所有與戚戚子所携甚厚至今爲江陰巨室成亦依戚終其身子歸後新帝廟江上知名之士咸爲詩文以紀之戚盡鐫於祠石

季子廟

八朝竊怪錄齊明帝建武中有書生蕭嶽自毘陵至延陵季子廟前泊舟望月忽有一女子年十六七從三四侍女貌皆絕世以橋擲嶽懷中嶽心異之乃問其姓名云葛氏嶽因請舟中命酒與歌宴及曉請去嶽甚悵然嶽登舟望之見廟前有五六女相迎笑一時入廟嶽異之及明乃整衣冠至延陵廟中見東壁上畫第三座之女細觀之而笑果昨夜宿之女也及左右侍女亦所從也畫壁題云東海姑之神事雖怪誕不足信然亦可知吾鄉之有季子廟固不自宋始也

二侯賜第

樓山野記洪武中遣徐中山坊表初成江陰侯吳良增海侯吳禎兄弟薄暮過之間左右曰何以稱大功坊對曰此魏國公賜第也良乘醉逕擊壤額署有司以聞明日二吳入朝上怒問何以壤吾坊良對曰臣等與徐達同功今達獨賜第表里且稱大功陛下安乎上笑曰母性急未幾令有司即所封地建宅二區賜之在今江陰縣良居前稱前府禎居後稱後府蓋宏麗也云云按吾鄉有二侯祠在舊學使署西至二侯賜第之果在何處非特里人不知即詢之吳氏子孫亦無有知之者矣噫

吉道人

蘇州府志雜記門載江陰有吉道人者不知何時人父爲御史以建言遣戍道人於洞庭遇異人得道術能役使鬼神嘗游虎邱時有兄之喪上襲麻衣而內着紫綾褲適上海一大家携室亦游虎邱其小婢秋香者見吉衣紫願而一笑吉以爲悅已也詭裝變姓名投身爲僕久之竟得秋香爲室一日遁去大家迹之知爲吉厚贈奩具遂爲翁婿吉本姓華後人因託爲小說而訛傳唐伯虎詭妻家婢秋香云福州梁章鉅浪迹續談中有秋香一則引姚旅露書云吉道人父秉中以給諫論嚴氏廷杖死道人七歲爲任子十七與客登虎邱適上海有宦家夫人擁諸婢來游一婢秋香姣好道人有姊之喪外衣白衫裏服紫襖絳裙風動裙開秋香見而含笑去道人以爲悅已物色之乃易姓名葉昂改衣裝作孀人子往賄宦家縫人鬻身爲奴宦家見其閑雅令侍二子讀書二子愛暱焉一日

梓間漫拾卷上

四

求歸娶二子曰汝無歸我言之大人爲汝娶道人曰必爲我娶者願得夫人婢秋香他非願也二子爲力請與之定情之夕解衣依然紫襖絳裙也秋香凝睇良久曰君非虎邱少年耶君貴介何爲人奴道人曰吾爲子含笑目成屈體惟子故耳會勾吳學博遷上海令道人嘗師事者下車道人隨主人謁焉既出竊假主人衣冠入見令報謁主人並謁道人旋道人從兄東游其僕偶見道人急持以歸宦家始悉道人頗末具數百金裝送秋香歸道人道人名之任字應生江陰人本姓華爲母舅趙子按今演其事爲劇移以屬唐伯虎云云二書所載事實雖詳略互異而大致則同始知坊間小說雖影射亦略有所本也惟邑志祇載有華秉彝字天性成化丙戌進士禮部郎中見甲科華秉仁字天德以子純封徵仕郎光祿寺署丞見封贈而未見華秉中是否尙有秉中其人容俟續考

人化

虎苑趙不易爲江陰軍簽判妻病火食絕不食惟啖生肉與趙隔寢婢媵侍疾者輒病死不瘞月更三人皆死者兵持肉自戟門入怒不食自後圃即食之趙饒待闕衡州妻白晝化虎而去人謂戟門有神而三婢者遭其乘夜吮血故殞焉案趙不易任江陰軍簽判時在宋紹興三年見邑志職官表

公士

宋史大中祥符四年是時澶密齊沂萊江吉萬州江陰梁山軍各奏八十以上呂繼美等二十九人並賜爵公士此事可入邑志識餘

江陰鄧氏之始

枝山野記永樂中征安南黎季犁降有三子皆隨入朝具孟曰澄賜姓陳官為戶部尚書澄嘗製檣為朝廷創造神槍後貶某官而命其子世襲錦衣指揮澄願從文乃許令世以一人為國子生今凡祭兵器並祭澄也其仲曰某賜姓鄧亦官尚書後貶江陰縣佐未番有三子亦令一人襲錦衣指揮久之并賜江陰田甚厚永捐其俗今猶守世業其季曰某官為指揮久之乞歸墓祭既往即自立為王季犁死葬京師其子後葬於鍾山之旁是不詳其名并不審其為丞溥也王漁洋池北偶談載季宗成汝藩所作鄧彰甫傳云彰甫名耀江陰人也其先世為唐宗人權武之亂避地日南迄宋大中時遂君其國凡八傳至吳岳無嗣其女名昭聖主國事皆李姓也閩奸人陳日照以詭計入贅襲取之始以避女主而通終以立女主而亡事亦奇矣吳山遺腹子嘗育於舅氏冒鄧姓實虞禡也二世以官顯其國至司空光遠公曰明者幼岐疑國王者之妻以女拜左參知初不知其為李氏裔也文皇帝時伊國遣臣黎季犛殺其主司空舉義師伐之竟以德報怨矣尋奉其幼主問道懸於闕廷季犛佯服懇請幼主歸國甫入境伏發復殺之并及天使上赫然震怒特遣成國公朱能英國公張輔出師討罪三禽偽王滅其國悉郡縣之司空實先內附為嚮導厥功懋焉拜行在工部尚書公先世以宗親王異域茲乃以陪臣躐九卿斯尤奇矣子師晦任州守以言事謫江陰尉遂家焉彰甫為司空九世孫虬髯白哲雙眸炯然善細書絕技擅場所書洛神賦縱橫僅寸餘竭目力始悉其縷析

梓間漫拾卷上

絲分毫芒彪炳入法精勁行伍井然又能於粒米上書一絕句異哉按後漢師宜官能於方寸間書千言頗自矜重間挈空囊過酒家書其壁觀者雲集酒大售因寬其值飲酣輒削書而去梁鵠受其法魏武重之可方駕矣云云則知謫江陰者為師晦懼云以言事謫江陰尉則又與邑志識餘所載為主簿者不符然詳師晦為主簿志凡兩見自當以邑志所載主簿之說為可信

江陰葛氏科第之盛

韵語陽秋余家自曾伯祖侍郎諱宮以甲科起家至慶歷中曾大父通議楊實榜相繼及第爾後世世有人大父清孝公余中勝先人文康公何昌言榜某黃公度勝至小子邨朱待問榜邑志作連五木待問

世矣當時尊長皆有詩以紀慶曾大父贈先祖詩云傳家何用富金贏教子何如只一經慶歷科名今已繼更教來葉嗣前馨先大父贈先人及伯父詩云廣場筆陣數千人喜汝穿楊箭鏃親慶緒綿長時幸會文科興後事還新昔年繼勝熙寧歲今偶同科紹聖春從此莫教書種斷孫曾應復值昌辰文康公賜某詩云兒曹春榜預言揚竊吹知難復士鄉黃絹未能搗好語青氈偶幸繼前芳穿楊喜共東牀客女夫章攀桂同標北寺房聖世選才如華岳積塵曾不愧毫芒余嘗贈邨詩云吾家五

世十三人競擷丹枝撼月輪慶歷賢科開後裔隆興儒業繼前塵泥金帖報家庭喜燒尾筵中帝里春從此傳芳應未艾桂香應已襲天倫通議之子若孫若曾孫在桂籍者於今已有十三人故言之于前長子邨亦不廢學故期之于後其他宗從登科者甚多各有詩紀慶不暇錄又曰邨始留意星

歷學紹興癸酉取解漕臺間斗爲帝車賦省試復以日星爲紀三台色齊爲詩賦題其所爲貫穿甘石之學甚詳小孫女夜夢郊登樓至十六級而止筮之爲省闈第十六人之祥已而果然余作詩贈之曰張鈴走職到金谿喜子文闈預品題名字巍哉先蕊勝詞章斐疊動文奎階梯已合嬰兒夢星斗先分天老豎後日臚傳當第一天倫科甲尙爲低時鄉弟王佐榜甲科第七人云云案江陰葛氏科第之盛終有宋一代得甲科者凡三十餘人其以特奏及辟舉出身者尙不在此數亦云盛矣葛氏始祖炳唐德順時人本居江都孫儒楊行密之亂遷江陰見枝山文集葛氏遺墨記

徐經

唐仲冕撰六如居士外集稱江陰舉人徐經者其富甲江南六如舉鄉試第一經奉之甚厚遂同舟會試至京六如文譽藉甚公卿造請者闐咽街巷徐有優童數人從六如日馳騁於都市中都人屬目者已衆矣况徐擁厚貲其營求他選以進不無有之而六如疏狂時漏言語竟坐削籍又云子畏少英邁不羈與南濠都君穆遊雅稱莫逆江陰有徐生名經者豪富而好事結交吳中諸公間與六如友善徐故太學生宏治戊午歲大比徐通考官得關節徐亦能及念非唐先生莫可與同事者遂以關節一事誣唐唐得之更以語穆是歲屠遂舉第一人而徐與穆亦得同榜徐德唐相與計偕徐更通考官程敏政家奴先期得場中試目復以語唐唐爲人洞見底裏無城府如前語穆未揭榜前穆飲於馬侍郎邸寓與給諫華昶俱曾有要宦謁馬馬出接之與談會試事宜云唐寅又舉第一

梓間漫拾卷上

六

矣穆從隔壁耳之官去馬入與穆語喜盈於色穆輒起妬嫉心遂誣馬以故亦與聞之一日而徧傳郡下矣丞遂論程并連唐徐至廷翰兩人者俱獲罪程亦落職是歲凡取前列者皆號名都以名在後反得雋而唐先生遂終身落魄矣唐後與穆終恨恨誓不相見如此累年有一友生遊於兩君之門者欲合其交伺唐飲於友人樓上亟聞於穆乃語唐曰穆且至唐聞之神色俱變穆謂友已通情疾入樓襲見之唐瞥見遂躍樓窗而下丞趨歸友人恐其傷也蹤跡之已抵家口呼咄咄賊子欲相逼耶亦竟無恙兩人者遂終身不相見穆後官至太僕亦有文名子畏鬱鬱不得志以詩酒自娛其繪事不減顧陸按此事絕無知者少嘗聞之陸蕙田先生先生陸海觀南之子性迂怪好談吳中故實云此事得之衡山文先生衡翁長者口不談人過方語之時詞色俱厲且言人但知穆爲文人不知媚嫉反覆若此此事蓋實錄也云云按此可與昌志識餘所載徐經一則參觀

徐泰

枝山野記景泰中劉學士儔與北畿秋試取江陰徐泰爲解首泰本富室或以爲有私高閣老毅乃請覆試上不可比泰等赴禮闈中旨特召北畿五經魁士入禁中覆試陳閣老徐步觀五士文章至泰微言曰仍應以此卷爲首亦不知識泰否也比拆封其次一與原第符乃仍賜泰爲解元劉公初大不平欲叩關力辨迨覆試乃已後劉沒有司議謚亦以此事謚曰文介焉初高之請以于尚書王都御史二子不第乘此爲之地耳既而朝廷徇其意特命以二子登科時目爲欽賜舉人按邑志泰

傳亦載及此事但遠不如記之詳故錄之

王子開挽詞

玉照新志王子高遇芙蓉仙人事舉世皆知之子高之過後以傳其詞徧國中於是改名遼易子子開與蘇黃遊甚稔見於尺牘東坡先生又作芙蓉詩云訣別之時芙蓉授神丹一粒魯曰無戚戚後當偕老於滄江之上初所未喻子開時方十八九已而結婚向氏十年而鰥居年四十再娶山陰巨室之女方二十矣合卺之後視其妻則潯粉冶容修短合度與前所遇無纖毫之異詢以前語則惘然莫曉而澄江江陰之里名也子開由是遂爲澄江人焉服其丹年八十餘康強無疾壬午歲余從外舅帥淮西子開之孫明之謫在幕府相與遊從每以見語如此此事與雲溪友議玉簫事絕相類子開趙州人忠穆駁之孫虞部員外郎正路之子晚守濡須祠堂焉賀方回爲子開挽詞我昔官房予嘗聞忠穆賢又云和璧終歸趙干將不葬吳今乃印在秦少游集中明之子卽爲和甯也少游歿於元符末子開大觀中尙在其誤明矣云云此主子開大觀中尙在之說也老學菴筆記賀方回作王子開挽詞和璧終歸趙干將不葬吳者見於秦少游集中子開大觀已丑卒於江陰而返葬臨城故方回此句爲工時少游已沒十年矣云云此主子開大觀間已歿之說也二說微有不同然要其以子開挽詞爲作自賀方回而非出於秦少游者則無不同此可以正少游集中之謬矣

邱文宇發蘇師且之奸

梓間漫拾卷上

七

蘇師且本平江書史韓氏佞冒爲副戎籍之於廳韓用事師且實爲心腹韓爲知閣門事猶在韓側立侍迨冒節鉞韓則曰皆使相也始乃與之均籍由是海內趨朝之士欲造晏門而不得見蘇林者平由之孫也師且以微賤附之爲族林遂以兄事之師且嘗以窘乏求金於韓韓初不知其受諸將之賄勸以億萬每輒俸金與之謂其出於真誠及江上諸將敗而邱公崇爲督視廉知敗將之賂師且尺牘往來俱存因作書以遺韓韓大怒遂竄師且於海上嘉定初下所編郡取師且卽且以韓念已必復召用已而赴市則曰太師亦如是忍耶蓋不知韓之已誅也遂籍其家得金箔金二萬九千二百五十斤金錢六十緡馬蹄金一萬五千七百一十兩瓜子金五斗生金羅漢五百尊各長二尺五寸金酒器六千七百三十兩釵釧金一百四十三斤束帶十二條他物稱是出四朝聞見錄吁元載之贖貨烏足擬哉見宋姜南學圃餘力密字宗卿謚文定江陰人

洪貫贈江陰王令詞

鸞波袁陶軒明經手輯四明近體樂府所采明人詞多王氏詞綜所未錄中有成化舉人政和知縣洪貫字稼軒者賀江陰王令築城禦寇滿江紅一闋云海宇清寧萬壽地飛傳羽檄回首處萑苻嘯聚烽烟南北百雉先幾雄版築一方從此安磐石渺長江天塹繞城流誰之力守則固疆圉畫戰必勝車徒飭看狐巢鼠穴掃無遺跡日月未容塵霧翳東南用壯河山色信王公設險在承平千秋績所云王令未知何人案呂志建置門正德元年知縣劉紘始修西南二門六年知縣王珩復哀民築

之城還其舊東南北各爲水關悉蓋以石明年流賊薄城居民賴以保障云云詞意與事實均合則王令之爲王鉞當無可疑鉞字朝重河南郊縣人邑志無傳又鄆縣志洪貫字唯卿中晚結廬東野更號稼翁日哦其間和唐人詩殆遍吳會間士人聞之莫不願拜下風或丐銘誌譜牒以爲珍海寧新城江陰靖江四邑志皆其手筆也年九十九卒江陰志出貫手筆未知何志

赤岸李氏藏有胡恢本南唐書

王漁洋池北偶談南唐書今止傳陸游馬令二本胡恢書久不傳惟江陰赤岸李氏有之李卽忠毅公應昇之叔忘其名矣香祖筆記又云南唐書有馬令胡恢陸游三家馬陸二書盛行於世近吳門又有合刻惟胡書世罕傳之聞江陰李忠毅應昇家有藏本二十年前屬江陰令陸雲士次雲訪之久不見報又屬門人楊侍講賓賓名時求之亦不得按恢金陵人博物強記工篆隸客京師久不得調上韓忠憲公詩云建業關山千里遠長安風雪一人寒公深憐之使篆太學石經因得復官任舉州推官卒云云按此書係忠毅所藏抑係忠毅之叔所藏可勿論惟江陰赤岸李氏至忠毅子李膚李遜之字膚公江陰人忠毅公應昇子見鄭敷教交得月樓藏書之富震於海內則在忠毅生前遊籍吳梅村集中亦有贈李膚公五十詩邑志無傳前李氏已藏有此書可斷言者

王逢原作詩之不自檢點

梁谿漫志王逢原孔融詩云戲撥虎鬚求不齧何如縮手袖中歸虛云座上客常滿許下惟聞哭習

梓聞漫拾卷上

八

脂按漢書融被害莫敢收者惟京兆脂習哭之而逢原乃作習脂讀書齒莽不自檢點顧檢點孔文舉又嘗作嚴子陵詩譏切其隱文舉一世豪傑姦雄所憚而不敢動而顧使之歸子陵傲睨萬物帝王所不能臣而顧使之仕逢原之顛倒類如此可發後世君子之一笑云云逢原維揚籍遷江陰其暨陽居詩有逢詩卽廢日得客輒忘夜之句亦名手也嘗講學於馬馱沙今靖江馬洲書院遺址卽其故蹟平生與王介甫交好故介甫銘其墓臨川集中哀逢原詩尤多邑志傳鄉賢

晴山堂

晴山堂者霞客徐先生取前人四月清和雨乍晴南山當戶轉分明詩意而以名其堂者也先是先生謁九鯉仙祠問母壽仙告以詩語初不解所謂閱四月母病疽尋愈先生悟因名其堂曰晴山以誌神貺事載陳仁錫所爲記中徐氏自其始祖宋逸民千十一隱居吾邑馬鎮之梧塍里卽南楊祁遂世

爲梧塍里人終元代不仕有明之世清才重望代有其人至霞客先生乃出其先世家藏並當代知名士投贈詩文勅之於石卽今所傳晴山堂帖也三百年來堂已久燬碑石移其宗祠亂疊風簷下斷碑日多無錫胡君兩人見而惜之爰將原有碑序之已經紊亂者重加次第一以徐氏之世代先後爲準世代同一者復以事類別之帖中撰書者自元末歷有明全代凡八十九人得詩文九十四件分碑七十有七爲築堅牢之木架度之刻晴山堂帖目錄目錄中有但書其名爲榮而不詳其姓者賀徐尙賢一律按榮卽下榮號蘭堂

世所稱卞蘭堂先生是以廣流傳末附一跋考徐氏家世素詳惟西塢後兩代於帖無徵閱者恐未也有蘭堂集肥邑鄉賢能貫申彙爲考之如下西塢之子洽字悅中一字恒修號雲岐官鴻臚寺主簿著雲岐小稿梓行洽之子衍芳字汝聲號柴石諸生七試不第有柴石遺稿七卷並見澄江詩選彙集豫庵隱君柴石先生之第三子而霞客則豫庵隱君之仲子也應旗字鶴侯號道如亦柴石之孫能詩柴石共有六子應旗未詳何人所出霞客婦許氏子卯孫則逐妾周氏者必許氏也周氏卽李諸家紀載均不詳嫡爲何人故并誌之

輩學齋

禮延書院舊名暨陽其講堂後廳事之右有書舍十九楹名曰輩學齋爲院長課徒講學之地侯官林文忠則徐雲左山房詩鈔有題暨陽書院輩學齋譚藝圖七古一首云通儒偏以入賞仕罷讀一圖戲之耳政成始信吏果儒風流乃見譚藝圖申浦君山尼文藻况有經師富搜討元禮龍門十九年藝也履屐進乎道得君數社與論心抉髓經腴糝掃司稜誰顧愷之並肩復有劉知幾作客誰僉紫芝大毛公來同說詩一時千里德星聚縱論直空上下古揮塵齊翻舌本瀾軌經爭聽沙中雨國朝經濟古豈伴諸君砥厲追前修弗尙談天雕龍炙數輶豈驚槌碎黃鶴踏翻鷓鴣洲學祧漢宋仕則優盛時宏獎皆風流君能造士期拔尤萬間之厦千丈裘請與圖中主客努力俱千秋蓋爲邑令陳登之延恩作也時武進李申耆幼生日癸未來主講席已十九年矣故篇中云云何子貞先生

梓園漫拾卷上

九

紹基東洲草堂集中亦有題輩學齋授經圖一律云綜括羣儒業胸胸輩學齋欲陶天下士都與古賢儕深雪斗山坐落風桃李街二申吾仰止揮手後先偕此則爲院長李申耆作也二申其一指劉申受名吏賢吏經師人師一堂講學暨陽人才之盛殆無有過於此時者

曹峨眉撰漁洋菁華錄

分甘餘話曹頌嘉禾祭酒常語余曰杜李韓蘇四家歌行千古絕調然語句時有利鈍先生長句乃句句用意無瑕可攻擬之前人殆無不及余曰此其所以不及前人也四公之詩如萬斛泉源不擇地而出行乎其所不得行止乎其所不得不止余詩如鑑湖一曲放翁遺山以下或庶幾耳云云此漁洋自行論定語而古今人之不相及以及名大家之分亦卽在此香祖筆記山谷豫章集最多而晚年自刪其詩止存三百篇徐昌穀自定迪功集亦最少予生平爲詩不下三千首門人盛侍御誠齋符升曹祭酒峨眉爲撰菁華錄意存簡貴然所取尙近千首愧山谷昌穀多矣蠶尾集跋亦及此然則漁洋菁華錄之成峨眉實有力焉今拙集子辦香漁洋兩家淵源固早在二百數十年前矣

澄江書院山長題名

邑志山長題名始於乾隆朝之沈濤其時已改稱暨陽書院所有元以來澄江書院山長之題名概從闕如然案邑志鄉賢傳許恕字如心家北郭故號北郭生能詩尤長古體思深旨遠論事多激昂部使者薦授澄江書院山長又江西詩徵王儼字民望自號甘貧叟泰和人正統七年進士官兵戶

二科給事中致仕成化間纂修英廟實錄聘總裁後爲澄江書院師云云則許恕王儼固澄江書院山長也錄此以補題名之闕

曹雲亭之擇婿

黃蛟趙西神叢話蔣夢鶴澄江鴻臚曹雲亭之長婿也雲亭來省女遇雨暫避義塾見一生踏石上兩足印昂然既而生還仍踐舊跡心異之熟視其器宇并索觀其制舉業益深器重曰此子丰度不凡當爲正輔且必正色立朝不可干以私者是誰家郎吾欲字以季女塾師成某曰此孫教授兒名繼舉者也家甚貧公三世柱後齊大非偶母爲人噉雲亭勿聽曰若輩無足與語往詣繼舉父雪窗欲爲婚姻雪窗固讓不敢諾乃往告郡守始得成其事曹氏聞之舉家駭愕其長女之適蔣氏者富家也恚尤甚嘗曰吾家素鼎貴阿翁奈何以幼妹字貧人子豈利其素糲粉食乎我終不與爲伍聒絮不已而雲亭終無悔心後繼舉官至少宰蔣氏夫婦始而欺孫之貧不肯與伍終而愧已之賤亦不敢與伍矣云云如此相攸洵鉅眼也雲亭先生名駕字子御官鴻臚寺主簿

清機園

季氏清機園廢後併入舊學使署即寄園今惟雪浪湖略存遺蹟餘則迥非舊觀靜志居詩話與登園

田之後田產所入悉以築圃圃在萬壽山麓有六曲徑蒼雪嶺賜閒堂雪浪湖湖中有青螺墩妙高閣湖上有寄寄堂紅雲閣華陽洞天又鑿洞爲小桃源中有赤城樓來鶴亭桃花泉曲水亭雲林洞

梓間漫拾卷上

十

江片石恒與朋舊觴詠其間足稱好事云云曩時結構猶可想見一斑

洪珠洞

洪珠洞與君山石灣相望邑乘未載云是潮潛所開明徐仲昭先生遵湯有五言紀遊三十韻詩長不備錄

曹氏軼聞

襄陽閒評或云人家種南天竺則婦人多妬余聞之舊矣未知其果然否向在江陰時有一曹檢法者其妻悍甚蓋非止妬也曹嘗建一新第求所謂南天竺者將植於堂之東偏余是時偶到彼處故以所聞告之曹憮然應曰其果然耶我家今無事尙不能安帖况復植此感動之物乎余曰事未可知聊爲耳目之玩亦自不惡也曹曰耳目未必得玩而先潰我心腹矣則不如其已遽命撤去坐客無不笑之又云予向欲鑿一池種荷花築小亭其上榜曰雲錦取蘇東坡詩中捲卻天機雲錦段雲錦二字極佳本出韓退之詩云撐舟昆明度雲錦東坡愛此二字故於和文洋州三十絕中用之今余老不事事竟不能榜之於亭未嘗不惋恨在江陰時見曹氏新闢一堂植荷花滿池已榜爲清香余偶道及前二字答曰請易之既而余歸亦未知其果易否云云按襄陽閒評宋袁文撰文字質甫四明鄞人縣尉燮之父燮以進士於淳熙十二年尉江陰歷官數載有惠政祀名宦此書當係其父迎養在江時作頗載吾鄉軼事此二則與曹氏有關錄之以資談助

葛秀才之疆記

宋賢補之袁梁谿漫志載江陰士人葛君忘其名疆記絕人嘗謁郡守至客次一官人已先在意象軒驚葛做衣子子來揖之殊不顧葛心不平坐良久謂之曰君謁太守亦有衝袖之文乎其人曰然葛請觀之其人素自負出以示葛疾讀一過即以還之曰大好斯須見守俱白事畢葛復前曰某勉賦之文此官人竊爲己有適以爲贊者是也使君或不信某請誦之即抗聲誦其文不差一字四座皆愕視此人且雜斬之其人出不意無以自解倉皇卻退歸而慚恚得疾幾死葛浮沉閭里間家傍有民張染肆置簿書識其目葛嘗被酒偶坐其肆信手繙閱一夕民家火作凡所有之物並文書皆燼焉物主競來索數倍責償民無以質驗憂撓不知所出其子謀諸父曰吾聞里中葛秀才天性能記渠昨過吾家嘗閱此籍或能記憶盍以情叩乎即日父子詣葛言其狀葛笑曰汝家張染肆且吾何從知其數邪民拜且泣葛又笑曰汝以壺酒來當能知之民喜遽攜酒殺至葛飲畢命取紙筆爲疏某月某日某人染某物若干某月某日某人染某物若干凡數百條所書月日姓氏名色丈尺無毫髮差民持歸呼物主讀以示之皆叩頭駭伏胡蒼梧記張文定諸公取相國寺前染簿各記十版此或出於用意故能默識非若爲之無心而然信天稟記問不可及也邦人至今談其事云云洵絕人之才也惜不詳其名字耳葛氏多賢信然

卞蘭堂之軼事

梓間漫拾卷上

十一

堅瓠集卞榮在萬開老安坐適報廷試會彥首選安曰狀元却是臨睡漢時彥已六十矣卞曰宰相須用讀書人屬對之工可稱敏捷然作詩文過於敏捷便不足觀麓堂詩話卞戶部華伯在景泰間盛有詩名對客揮翰敏捷無比近刻爲全集殆不逮所聞是即過於敏捷流於率易之所致也逸老堂詩話載卞爲一僧題墨菊卷云聞說緇衣獨好賢墨花香裏對談玄玄霜雖改黃金色老氣橫秋尚懷然評爲此詩固不敢與虞指虞歐指歐陽並駕而亦差勝貞立指何貞立何長沙人之作矣云云仍是高

貶於褒非滿意之辭也

東坡教葛延之作文寫字之法

韻語陽秋載東坡在儋耳時葛延之自江陰擔簏萬里絕海往見留一月坡誨以作文之法爾其法未詳按梁谿漫志葛延之在儋耳從東坡遊甚熟坡嘗教之作文字云譬如市上店肆諸物無種不有却有一物可以攝得曰錢而已莫易得者是物莫難得者是錢今文章詞藻事實乃市肆諸物也意者錢也爲文若能立意則古今所有翕然並起皆赴吾用汝若曉得此便會做文字也又嘗教之學書云世人寫字能大不能小能大我則不然胸中有個天來大字世間縱有極大字焉能過此從吾胸中天大字流出則或大或小唯吾所用若能了此便會作字也嘗爲作龜冠詩送其行葛以語胡蒼梧蒼梧爲記之云云則東坡非特教延之作文并教以寫字之法矣費補之謂此大匠誨人之妙法學者不可不知不良然

黃山谷與葛成之唱和

山谷集有蕭巽葛敏修二學子和予食符詩次韻答之二首云北饌厭羊酪南庖豐笋菜自北初落南幾爲兒所賣習知價廉平百態事烹宰鹽豉枯腊瘦蟹漬真味壞就根煨茁美豈念炮烙償咀吞千畝餘胸次不憂芥二妙各能詩才名動江介詩論多佳句膾炙甘我嘖因君思養竹萬籟聽秋曠從此繕齋籬下令禁漁采韭黃照春盤菰白媚秋菜惟此蒼竹苗甯上三時賣江南家家竹剪伐誰主宰半以苦見疏不言甘易壞葛陂雕龍睡未索兒孫債獺膽能分杯虎魄妙於芥此物于食殺如客得債介思入帝鼎烹忍遭飢涎嘖懶林供翰墨砥杵風號噫每下歎枯株焚如落樵采註家引吳氏漫錄山谷南還至南華竹軒令侍史誦詩板戒勿言姓名誦一絕句云不用山僧供帳迎世間無此竹風清獨拳一手支頤臥偷眼看雲生末生徐視姓名曰果吾學子葛敏修也云云以證其名動江介之非虛而未詳其爲何許人按敏修字成之江陰人敏求弟預薦薦江上詩鈔錄其詩行厨瑤亦稱其有工詩之譽其爲山谷所推重宜哉會賓谷以爲廬陵人收入江西詩徵誤

王百穀序馬湘蘭詩

靜志居詩話馬湘蘭感吳人王百穀解墨郎之厄欲委身焉百穀不可萬曆甲辰秋百穀年二十湘蘭買樓船載小鬟十五造飛絮圍覆酒爲壽晨夕歌舞流連者累月亦勝引也百穀序其詩大畧云秣陵佳麗之地青樓狹邪之間桃葉題情柳絲牽恨胡天胡帝爲雨爲雲有美一人風流絕代問姓

梓聞漫拾卷上

十一

則千金燕市之駿託名則九畹湘江之英輝鏡刀若土壤翠袖朱家重然諾如丘山紅妝季布爾其擲琉璃之管字字風雲擊玉葉之牋言言月露翻庭花之舊曲按子夜之新聲奚特錦江薛濤穠書記之目金昌杜韋慍刺史之腸而已哉曲中傳爲佳話云云按百穀名穉登吾邑利城人邑志傳文苑傲帚齋餘談載其家桃符有豈有文章驚海內漫勞車馬駐江干之句武陽志餘稱百穀自利城徙毗陵受業於陸聚岡補武邑諸生晚隱吳門數語最爲簡括精確初百穀壻於吳中陸氏見虎苑自序晚得錦帆涇廢址構園其中遂家焉主持東南壇坫三十餘年長洲縣志收之明史本傳亦作長洲人馮林一先生修蘇州府志本王志堅府志稿列入流寓傳當已而以百穀爲武進人則尙沿王氏之謬王志堅府志稿武進人少從父居郡之山塘已而還爲諸生入太學不如武陽志餘之信而可徵竹垞先生吳人一語蓋亦以其居吳久遂未暇考其果爲何許人耳長子無曲字方宇以諸生入南雍受知於祭酒馮夢禎爲人拘謹自好後棄舉子業專攻詩文山居二十年足不入城市蓋避世無悶者見文枬青氈雜志次子留字亦房亦以詩名附見其父傳中均吳門籍

黃毓祺絕命詞

邑志本傳流毓祺殉難事實頗詳惟鄧大臨亦係毓祺門人志誤稱之爲客并誤大臨爲大林不無可議耳大臨字起西常熟人南雷文定後集有鄧大臨墓誌銘蓋於錫山計六奇南略得其小遊仙詩數首蓋毓祺在獄自註

註畢以付起西者詩云大夢誰分醜與妍白楊風起總茫然瓠緣無用從人剖膏爲能明苦自煎柱折蘭摧誠知景蕭敷艾苑豈長年歸途不向虛無覓朽骨徒爲蔓草纏爲愁草盛稻苗稀日暮綠荷歸歸何處先生多好好此中居士故非非肥魚不肯憐蛟瘦飽鷓偏能笑鶴饑請讀蒙莊齊物論橫空白月冷侵衣散髮人間汗漫遊風吹白日忽西流淘沙慣嚇斜飛燕孔雀偏逢舐爛牛鄉里小兒朝拜相江湖暴客夜封侯神仙赤舌如飛電開口舒光笑不休腹中書任他人囉嚨鼻祇從甚處懸惟有丹心堅自愛忍能鑿破化爲圓最無根蒂是人羣會合眞成偶爾文沙際驚鷗常泛泛風前落葉自紛紛掉頭東海隨烟霧屈指西園散雨雲况復炎涼堪絕倒瀾陵愁殺故將軍百年世事奕棋枰冷眼常觀局屢更烏喙只堪同患難龍顏難與共昇平遙空自有饑鷹擊古路曾無狡兔橫爲報韓盧并宋鵠祇今公等固當烹註繁從略統祺邑之月城橋人當時同謀者尙有丁文瓊字季玉其人易代後終身不下樓自稱臥龍遺隱亦月城橋人虞山錢牧齋以留宿統祺且許助資招兵被逮下江甯獄統祺病死獄中總督馬國柱上疏申雪事始解見牧齋年譜

江陰孤城覆劉良佐書

明季閩陳二公困守江陰時降將劉良佐曾以書勸降邑中公擬回書其略曰江陰禮樂之邦忠義素著止以變革大故隨時從俗方謂雖經易代尙不改衣冠文物之舊豈意蕞髮一令大拂人心是以城鄉老幼誓死不從堅持不二屢次兵臨境上勝敗相持皆係各鄉鎮勤王義師聞風赴闕若城

梓聞漫拾卷上

十二

中大衆齊心固守並未嘗輕敵也今天下大勢所爭不在一邑蘇杭一帶俱無定局何必戀此一方稱兵不解况既爲變舉便當愛養百姓收拾人心何故屢殺燒燬使天怒人怨慘目痛心爲今之計當速收兵靜聽蘇杭大郡行止蘇杭若行何有江陰一邑不然縱百萬臨城江陰死守之志已決斷不苟且求生也謹與諸公約總以蘇杭爲率從否唯命餘無所言或傳諸生王華作見南略

蔡烈女祠

吾鄉故有何烈女廟在華藏寺南卽王梧溪詩所謂遺廟湖陰四百年斑斑江竹映嬋娟者是也不聞更有蔡烈女祠商邱侯朝宗壯悔堂文集中有爲吳氏禱子疏云澄江有蔡烈女祠遠近禱之者輒應余異之爲妾吳氏禱焉其詞曰某謹疏娘娘殿下某妾吳氏者家本吳閩言歸梁苑十二樓月沈子夜偏照雙眉三千里雲際扁舟常憐一葉鶯鶯漸老傍公子以何依燕燕空忙歎佳人之不再終恐霞裳翠袖總歸花落鳥啼恭惟娘娘殿下自淑也貞閨風者遠不辭玉碎留暫時於人間所喜石堅得請申於帝坐竊竊斯有鐔俾佐郅妃念鳳卜未諧乃醉麟子伏祈慈明俯照鍊力永孚大降英雄菩薩之靈曲成兒女帷房之願從此長齋繡佛早成鑿錫佳名千歲桃花佩瑤池之結實萬年靈藥望碧海以啣恩某不勝虔誠禱祝之至芬芳悱惻絕妙好辭亦爲吾鄉添一段風流韻事也

呂蒙墓

呂蒙墓三國志及省志均載入蕭縣而吾鄉祝櫻髯先生純嘏有呂蒙墓五律一首自注云在北外